

**Kugbɔnku kùà Pɔl kɛlɛ' ki de'
Filip
yaab nnɔ
Nà wɔngɛh kugbɔnku kuu te
ma bo**

Filip yé Maseduɔnn ya tinɛnm ya du nɛ. Pɔl joh u'sɛn nle bo nɛ ki tɔkɛ' Filip yaab tigbɛmɔnmɔnt.

Pɔl kɛlɛ' kugbɔnku kuu ki wuɔn' ki wɔn nin Filip yaab yíe tɔb ki gbien'. Ní tete nɛ bi lá cuo' Pɔl ki pɛkn' Yonbdaan ya tuonl bo. U te lipɛkl ni ka rí fre kí tore Filip yaab ma nnɔ nɛ ní wi wɔ cɛɛn, kimɛ u cii' binib bíba nuunh bɛ rí tuln bɛ nɛ (1:15-17; 2:21; 3:2, 18). Pɔl sɔn' uba ní' bó wɔ rí tí tore bɛ kí cenge tigbɛr nnɔ (2:19-30).

Pɔl faare' Filip yaab bi'pum bo, ki sure' bɛ, bɛ rí li ŋuuke tigbɛmɔnmɔnt nnɔ tinɔjɛr tule, ki la cèrɛ uba rí tuln bɛ.

Yesu dàan' u là ŋmɔbe nà kɛ, nɛ Uwien taa' tibont kɛ ki ŋukn' wɔ. Nnɔ nɛ Pɔl mɔ dàan' nà kɛ là yé u'bo lifaal nnɔ (3:3-10), ki tuo' ki jèndeh Yesu Kristo bo, nɛ ki tɔkɛ' bɛ ki ye bi'mɔ rí tekn u'taal ni (3:17; 4:9), kí li ŋmɔbe uyɛnsonge uyo kɛ, kí li kpɛ buñɔbu.

Ifuonde

¹ Min Pɔl nin Timote yé *Yesu Kristo ya tonsɔnb nɛ. Ti kíeh kugbɔnku kuu tí de bà kɛ yé Uwien ya nib kí ñɛ *Yesu Kristo bo, ki te Filip ya du ni nnɔ nin bà líkeh Kristo ya taanl nin bí'totorb nɛ. ² Ti'Baa

Uwien nin Yonbdaan *Yesu Kristo ní juoke nε, kí de nε uyenduon.

Pɔl kàareh ki dienh Filip yaab

³ Uyo wà kε n tiere' ni'bo la, n faareh n'Wien ni'bo nε. ⁴ N kàareh ki dienh ni'ke uyo wà kε la, n kàareh nin uyensonge nε. ⁵ Kimε kí ñε lidaali là n baa' ni'saan kí lá tu dinnɔ, ni toreh nni nε n tɔkeh binib tigbɛmɔnmɔnt. ⁶ N du ki ye Uwien cin' lituonmɔnmɔnl là ni'ni nnɔ u li sɔn kí tí gben lè lidaali là *Yesu Kristo li baa ní nnɔ nε.

⁷ Ní kpε ní li ηmɔbe i ya yenmaale ni'ke bo, kime n'yenm pε ni'bo nε. Uwien juoke' min nin ninbi kε ma nnɔ nε cère' ni tore' nni fɛnfennɔ wà n te lipɛkl ni nɔ nin uyo wà n là mɔh tigbɛmɔnmɔnt bo, ki nuunh binib ní tùɔre kí teke tù kí ji nnɔ. ⁸ Imɔn, Uwien nε yé umɔnkunl ki ye n yíe ni'ke nin n'fèl kε. Kimε n yíe nε tɛn *Yesu Kristo yíe nε ma bo nε.

⁹ N kàareh nà bo si: Uwien ní cère ni'yíem ní li yɛbreh ki joh ηɔ ni'nun bó ní li wendeh ní li bɛndeh tibont kε ya tingi mɔnmɔnm, ¹⁰ ηɔ kí sekn kí gènde nà mɔn. Nnɔ nε na ní li ηmɔbe jɔknt, ka ní li ηmɔbe biil mɔ lidaali là Kristo li baa ní nnɔ. ¹¹ *Yesu Kristo li cère ní li tuu ki teh nà cuube ηɔ Uwien ní li ηmɔbe ukpíeke nin kupɛnpekú.

Pɔl mɔh tigbɛmɔnmɔnt bo

¹² N'yaabε, n yíe ní bɛnde kí ye nà tu' nni nɔ bo binib cii' tigbɛmɔnmɔnt ki yɛbe nε. ¹³ Nɛn bo, sojambe bà gu ubɛrcien den nin binitɔb kε bɛn ki ye Kristo bo nε n te lipɛkl ni. ¹⁴ N te lipɛkl ni ma nnɔ cère' Kristo yaab bà yɛbe du Yonbdaan bo ki gbien', ki laa' lifèl cɛɛn, ki tɔkeh binib Uwien ya gber ka fenge.

15 Imà̀n, bi'ni biba ηmà̀be n'bo iponponbe nε ki tàkeh Kristo ya gber, ki nuunh be ń li niεh nin nni. Ama bitàb m̀o tàkeh Kristo ya gber nin iyenmaalm̀anm̀an nε. 16 Ben ẁan, bi ηmà̀be miyíem nε ki teh nǹo, kimε bi ben ki ye n te lipεkl ni ń m̀o tigbεm̀anm̀ant bo nε. 17 Bitàb nǹo ben ẁan, bi nuunh be ń wùan kí ye bi cεn' nni nε ki tàkeh Kristo ya gber. Bi'yεnmaale ηa m̀an. Bi teh nǹo ki nuunh n'jend nε ń yεbre lipεkl ni. 18 Bi tàkeh Kristo ya gber nin iyenmaalbiere bii bi tàkeh tù nin iyenmaalm̀anm̀an nε la, n'baka ηa kpe len. Nin nεn kε ὴo bi'ke tàkeh Kristo ya gber nε. Nεn nε c̀ere' n poknh, ki li tuu ki poknh. 19 Kimε n ben ki ye nεn nε li c̀ere ń nε len kí nε ni kàareh ki dienh nni ma nǹo nin *Yesu Kristo ya Fuoñaanm bo. 20 N gu nεn nε nin inunm̀on, ki daan nε ń li ń tien. N li tien nà kpe ń tien nε nε, kí li ηmà̀be lif̀el uyo wuu ǹo tεn n là ηmà̀be lè ma bo uyo kε, kí c̀ere n li kpo bii n li fuobe la, binib ń li kpiεkreh Kristo n'bo. 21 Kimε min ẁan, n fuobe la, Kristo nε yé nibonm̀ann, n tí kpo' la, nń yé kpele nε n'bo. 22 Ama n li biε ki fuobe nε kí s̀on Uwien ya tuonl lè ń tore binib la, ma ji ben n li g̀ende nà. 23 Nń fike' nni nε. N bi yíe ń kpo kí li te nin Kristo nε. Nεn nε tu. 24 Ama ninbi bo, n juore' ki fuobe nε la, nń m̀an. 25 Nεn bo, n ben ki ye ma ń kpo, nń yé im̀an nε. N li juore kí li te nin ni'ke nε, kí li toreh nε ni'tekjim ń li joh inun bó, ní li ηmà̀be uyens̀onge, 26 ὴo n tí liebe' ní ni'saan la, ní li jεbnh ni'ba kí nε *Yesu Kristo c̀ere' n s̀on' itùon yà ki de' nε nǹo bo.

Li tuu ki cε men limuəl Kristo ya gbεm̀anm̀ant bo

27 Nĩ te ma ke la, li fuobe men binib ni Kristo ya gbem̄nm̄ont w̄okn' ne ma bo. Nĩ yé n fre' la, n li baa ni'saan. Ma tí baa la, rí cii ni'gber kí ye ni pe mitekjim ya sen bo m̄nm̄nm̄, ki kpe buñ̄obu, ki ñm̄obe iyenmaale iba, ki m̄h limuol liba mitekjim mà kpe tiggem̄nm̄ont ya sen nn̄o bo. 28 La sen men ni'nenendb jewaambu. Nen ne li wuon be kí ye bi joh mibolm ne, kí wuon ni'm̄o kí ye ni li ñmere. Nĩ yé Uwien yaam ne. 29 Kim̄e Uwien ña juoke' ne ní teke Kristo kí ji baba ne, ama u juoke' ne ní jende u'bo m̄o ne, 30 kí li m̄h limuol là ni là laa' n m̄n' lè u'bo, ki cii' n bie ki m̄h lè fenfenn̄o nn̄o.

2

Li jiindeh men ni'ba tingi ten Kristo

1 Kristo bo, ni ñm̄obe ugbenensaake, u'yiem cèreh ni faakreh, *u'Fuoñaanm cèreh ni kpe buñ̄obu, ki ñm̄obe tinim̄nt, ki muoh t̄ob mic̄cek̄m ma nn̄o, 2 ní li kpe buñ̄obu, kí li yíe t̄ob, kí li te iyenmaale, kí li pe usen uba bo ño rí li ñm̄obe uyens̄onge kí tĩ gben. 3 La li ñm̄obe men nanīerku t̄ob bo, ki la li w̄ngeh ni'ba. Na ñm̄obe kpele. Ama ní li jiindeh ni'ba tingi, kí li bùh binit̄ob ten ben ne cen' ne. 4 Uba la li nuunh u'tiema m̄nm̄, ama w̄o rí li nuunh bit̄ob yaam. 5 Li ñm̄obe men mi ya tetem nin ni't̄ob ten *Yesu Kristo.

6 W̄on w̄a nin Uwien ke te miba nn̄o, wa ce ki ye w̄on nin Uwien rí li kpe.

7 Ama u'yenm ni ne u daan' tibont ke, ki ñm̄obe utons̄onl ya tetem, ki tien' u'ba unisaal, unil ke laa' u yé unisaal.

8 U jiin' u'ba tingi,

ki tuo' Uwien ya ñɔbu bó,
haali ki tĩ kpo'.

U kpo' udɔpɔnpɔn bo nɛ.

⁹ Nɛn bo nɛ Uwien kprien' wɔ ki tĩ gbien',

ki de' wɔ liyel là cɛn' iyel kɛ,

¹⁰ ɲɔ bà te paaki bó nin bà te kitink bo nin bà te
dɛntingi nnɔ kɛ cii' *Yesu ya yel la,

bɛ ní gbaan kí kpiɛke wɔ,

¹¹ ɲɔ inibol kɛ ní len kí ye *Yesu Kristo

nɛ yé tibont kɛ ya Yonbdaan,

kí kpiɛke ti'Baa Uwien.

Li yé mɛn kuwenwenku uɲɛndun wuu ni

¹² Nɛn bo, n'jɔtiebɛ, ni yé binib bà tuu ki ɲmɔbe
mibom nɛ. Ni la ɲmɔbe bom uyo wà n te ni'saan
baba, ama fɛnfennɔ ma te ni'saan ma nɔ, li ɲmɔbe
mɛn mibom ki cɛn' uyo wà n te ni'saan. Tùɔre mɛn
kí li boh Uwien, kí li sɔnh itùon yà wɔngɛh ki teh ni
ɲmɛrɛ' nnɔ kí tĩ gben. ¹³ Kimɛ wɔn Uwien nɛ sɔnh
ni'ni, ki cèreh ni yíe u yíe nà, ki liɛbe' ki cèreh ni
teh nè mɔ.

¹⁴ Li teh mɛn tibont kɛ ki la ɲulnh, ki la findeh
nin tɔb mɔ, ¹⁵ ɲɔ kí li yé binib bà ɲa ɲmɔbe biil, ka
ɲmɔbe jɔknt, kí li yé Uwien ya bumu mùa mɔn ki
tĩ gben' binib bà ɲa cuube, ka kpe sɛn ya siik ni, ki
li te tɛn kuwenwenku kí wendeh uɲɛndun, ¹⁶ kí li
tɔkeh bɛ tigbɛr tà dienh limiel. Nnɔ nɛ ninbi bo n li
jɛbn n'ba lidaali là Kristo li baa ní nnɔ, kimɛ n sɔn'
lituonl là nin inunmón nnɔ ɲa juore' fɛnm.

¹⁷ Ni'tekjim yé lituɔrl nɛ ki de' Uwien. Nba la, bi
li ku nni. Bi ku' nni la, n'sɛm mɔ li tien lituɔrl nɛ kí
pukn ni'yaal bó. Ni te nnɔ la, n ɲmɔbe uyɛnsɔngɛ

nε ki poknh nin ni'ke. ¹⁸ Nεn bo, ni'mə rí li ηməbe uyensənge kí li poknh nin nni.

Pəlye wə rí sən Timote nin Epafrodit

¹⁹ N daan ki ye Yonbdaan *Yesu de' usen la, n li sən Timote ni'saan itaan yie bo, wə rí tĩ cenge ni'gber, kí lá təke nni ηə n'yenm rí duən. ²⁰ Kimε wən ηa nĩ la, ma ηməbe min nin wà maaleh ni'bó. Nil ηa te ki cinbe ki tənge ni'gber. ²¹ Bitəb ke nuunh bi'tiema mən mε, ba tənge *Yesu Kristo ya tuonl. ²² Ama Timote wən, ni ben wə, ki laa' u sən' ma bo. U sən h nin nni tigbεmən mən t ya sən ni tən kibuk sən h nin ki'baa ma bo nε. ²³ Nεn bo, n tĩ laa' n'gber ya donbó la, n daan rí pək kí sən wən nε ni'saan. ²⁴ N du Yonbdaan bo ki ye min nin n'yul li baa ni'saan na rí taande. ²⁵ Ama n maale' ki ye nĩ kpe rí cère ti'ninjε Epafrodit rí liebe ni'saan nε. U yé min nin wà tε kí sən h, ki tε ki məh limuəl liba nε, ki yé unil wà ni sən' wə, wə rí lá de nni nà pəre' nni. ²⁶ U'nun mən wə rí tí rí lε ni'ke ama u'yenm saa' nĩ tĩ kende', kimε ni cii' u'wien bó. ²⁷ Imən, u bunge' ki tĩ benh wə rí kpo nε, ama Uwien muə' wə micεckm. Na yé u muə' wən baba nε micεckm, u muə' n'mə nε ηə n'yensaa la yebre kí pukn. ²⁸ Nεn bo nε n teh tontonm rí cère wə rí liebe ni'saan, ní tí rí tĩ lε wə ni'yenm rí sənge ηə n'bugben ya yenm rí duən waamu. ²⁹ Nεn bo, teke wə mən nin uyensəngcien, kimε u yé Yonbdaan yə nε. Li selndeh mən binib bà ke te tən wən. ³⁰ Kimε Kristo ya tuonl bo nε u là sien' waamu wə rí kpo. Wa là jie u'miel, nε ki sən' nni lituonl là ninbi nin ni'yul ηa bi li fre kí sən nni lè nnə.

3

Nà li cèrè unil ní li cuube Uwien ya nun bó

¹ Tɔ, n'yaabε, li poknh mɛn Yonbdaan bo. Ní yé ní liεbe kí kele nε n là kpiε' ki kele' nε nà nnɔ nε la, na ŋaabeh n'yɛnm, kime nen nε li cèrè ní ñε kinunbɔnk ni. ² Liike mɛn ní'yul bo nin bitonsɔnbierb; i ya sɛngbele jeh ki bungreh i'ba nε ki yih nè upunjie. ³ Tinbi ya punjie nε yé upunjie mɔn, kime *Uwien ya Fuoñaanm nε cèreh tí pukeh wɔ, ki jɛbnh tí'ba *Yesu Kristo bo, ka du tí'tiema tuɔm bo. ⁴ Nin nen ke ŋɔ min ŋmɔbe usen ní li du n'tiema tuɔm bo. Unil ye u ŋmɔbe usen wɔ ní li du u'tiema tuɔm bo la, n ŋmɔbe usen ki cɛn' wɔ. ⁵ Bi maa' nni, wienniin daali nε bi jie' n'punl. N yé Israyel ya bol ya nil nε, ki yé Bɛnsamɛn ya yaabil. N'baambε ke yé Ebrembε nε. Yiko ya sɛn ni wɔn, n yé *Farisienmbε ya cɛkl yɔ nε ki pɛ u'bo mɔnmɔnm. ⁶ N'tùon ya sɔnm ni, n'nun là mɔn ní jènde Kristo ya taanl yaab nε. Yiko ya sɛn ni mɔ la, ma là ŋmɔbe biil yiko uba bo.

⁷ N là maaleh ki teh nen ke yé n'bo kpele nε. Ama Kristo bo n laa' ní yé fɛnm nε. ⁸ Imɔn nε, n yin' nibonn ke fɛnm kime n bende' *Yesu Kristo n'Yonbdaan ma nnɔ, nen nε cɛn' nibonn ke. Wɔn bo nε n daan' nibonn ke, ki ye ní'ke yé tibint ŋɔ ní li yé wɔn Kristo yɔ nε, ⁹ kí li tɛ nin wɔ kí tí gben. Na yé n pɛ *yiko bo ma nnɔ nε ki yé ugbɛmɔndaan. N teke' Kristo ki jin' ma nnɔ, nε ki yé ugbɛmɔndaan. Uwien bùh binib bigbɛmɔndɛnb kí ñε mitekjim bo nε. ¹⁰ N yé nibonbaabn nà si: ní li bɛn Kristo nε, kí li bɛn u mèkrm ya tuɔm, kí taan nin wɔ u'jɛnd ni, kí tí kpo tɛn wɔn, ¹¹ ŋɔ kí li daan ki ye n'mɔ li mèkre bitenkpiib ni.

Pɔl tiinh kí cuube lisuul ya bùol

¹² Na yé n ye n baa' lisuul nnɔ ya bùol ɲɔ nɛ, ka yé n ye n yé wà niba ɲa ji pɔre' wɔ nɛ. Ama n m̀ndeh kí tiinh ní ǹende lè nɛ, kímɛ *Yesu Kristo nɛ cuo' nni kí tien' u'yɔ. ¹³ N'yaabɛ, ma ye min ǹende' lisuul nnɔ ɲɔ nɛ. N'nun m̀n nibonn nà bo si: ní sunde nà tien' n'puoli bó nɛ, kí li bɔ minɔnm bo kí joh inun bó. ¹⁴ N tiinh kí cuube lisuul ya bùol nɛ, ɲɔ *Yesu Kristo bo ní lɛ Uwien yin' tɛ wɔ ní de tɛ lisuul là paaki bó nnɔ. ¹⁵ Tinbi bà kɛ tien' binicekrkaab mitekjim ya sɛn ni nnɔ, cère mɛn tí li maaleh nnɔ. Ni tí ɲmɔbe iyɛnmaale i'ba i bore' nin yii la, Uwien li wuɔn nɛ i'tingi. ¹⁶ Ní te ma kɛ la, cère mɛn tí li tuu kí kpe usɛn wà ti lí là kpe wù kí lá baa' fɛnfennɔ nɔ.

¹⁷ N'yaabɛ, ni'kɛ ní tɛkn n'taal ni, kí li t̀ɔreh kí sekndeh binib bà teh ti là wuɔn' nɛ kí ye ní li teh ma bo nnɔ. ¹⁸ Kímɛ n là kpiɛ' kí t̀kɛ' nɛ ɲɔ, kí tí t̀kɛh nɛ fɛnfennɔ wuɔ nin tinunsiir kí teh binib bà yɛbe nɛ ɲmɔbe mitetem mà cère' bi yih Kristo ya kuum udɔpɔnɔn bo fɛnm. ¹⁹ Bi li tí f̀ɔre kí juore fɛnm nɛ. Bi'bent nɛ yé bi'Wien. Bi jɛbnh bi'ba bi'fɛ ya t̀on bo nɛ. Bi'yɛnmaale kɛ pɛ uɲɛndun ya bont bo nɛ. ²⁰ Tinbi wɔn, ti yé paaki bó yaab nɛ. Nɛn bo nɛ ti gu nin inunm̀n lidaali là Yonbdaan *Yesu Kristo ti'ɲmiɛnl li ɲɛ ni'bó kí baa ní, ²¹ kí lèbre ti'gbɛnɛnt tà ɲa ɲmɔbe sel nnɔ kí nɛnge u'yaar tà ɲmɔbe ukpiɛke nnɔ, kímɛ u ɲmɔbe mituɔm wɔ ní cère tibont kɛ ní tuo u'ɲɔbu bó.

4

¹ Nɛn bo, n'yaabɛ, n yíe nɛ nɛ, kí dɔkn' nɛ cɛɛn. Ninbi nɛ yé n'bo n'yɛnsɔnge, kí yé n'bo lisuul là

bi dienħ lè wà mòn' ki faake'. Tùore men kí li pe Yonbdaan ya sen bo nnò.

Igbiere

² Efodi nin Sentik, n sureh ne nibonn nà bo si: Yonbdaan bo ní li lienħ ki ciĩh táb bó. ³ Sin n'tonsántò, umemòndaan, n gbáanh ne ne, á tore be kimε bi yé bipiib bà nin Kleman nin n'tonsántáb là mònde' ki tore' nni tigbemənmənt ya təkni ni ne. Uwien kele' bi'yel limiel ya gbənkni ni nò.

⁴ Yonbdaan bo, li poknh men uyo ke. N liebe' ki təkhe ne ne, li poknh men. ⁵ Li ηme men nin binib ke. Yonbdaan ya babaadaali nekni ní nò. ⁶ La cère men iyenmaale ní li wiebe ne niba bo, ama ní li kàareh isen ke ni, kí li gbáanh Uwien, kí li faareh wò, kí li mieh wò nà pòre' ne. ⁷ Nnò ne Uwien ya yenduən wà cen' unisaal ya benm ke nnò, li de ne lifəsəngl, kí cère ni'yenm ní li dɔ kí ñε *Yesu Kristo bo.

⁸ Tò, n'yaabe, cère men ni'nun ní li món nà ke yé nibonmònn nin nà ke kpε be ní li boh ne nin nà ke cuube nin nà ke ηa ηmòbe jəknt nin nà ke kpε be ní li yíe nè nin nà ke ηmòbe lisel nin nà mən ki tĩ gben' ki ηmòbe kupenpeku bo. ⁹ Li teh men ni benge' nà n'saan, ki ciĩ' nè, ki teke' nè, ki laa' n teh nè nnò, nò Uwien uyenduən ya daan ní li te nin ne.

Pəl faareh Filip yaab bi'pum bo

¹⁰ N ηmòbe uyensənge Yonbdaan bo ki gbien', kimε ni ji fre' ki wuən' ki ye ni tiən n'bó. Ni lí là tiən n'bó ne, ama na là laa' sen ne ní wuən kí ye ni tiən n'bó. ¹¹ Nà yé n te tijiint ni ne cère' n lienħ nnò, kimε n benge' n li fuobe ma bo isen ke ni. ¹² N ben n li fuobe ma bo tijiint ni bii ligbel ni. N benge' uyo

ke, n li fuobe ma bo isen ke ni. N jinh ki gbuokeh bii n te mikònm la, n ηmabe ki gbien' bii n ηmabe waamu la, n ben í li tien ma. ¹³ Kí ñε Kristo wà dienh nni mituom nnò bo nε n li fre kí tien ní'ke.

¹⁴ Nin nen ke, ni tore' nni n'jend ni ma nnò, ni tien' ní mòn nε. ¹⁵ Ninbi Filip yaab mònòn ben ki ye uyo wà n là siereh Maseduonn ya tinfenm ni nnò, ninbi baba ηa ní la, Kristo ya taanl liba mònòn ηa là ñen' ni'ba ki tore' nni. N là cin' u ya yo nε ki takeh binib Kristo ya gbemòmòmònt mitinfenm nnò ni. ¹⁶ N là te Tesalonik ya du ni uyo wà nnò, ni là nèkn' nni nà pòre' nni ní gèbre' bolm miba. ¹⁷ Na yé n nuunh mipum baba nε; ama n nuunh ni'pum nnò bo, Uwien í cère ní le mimòm kí gbien nε.

¹⁸ Ni de' nni nà nnò, ní'ke kòn' n'nuò ni. Ni yebe ki cen' n là cieke nà mònòn. Ni sòn' Epafrodit wò í lá de nni nà nnò, n laa' nè, nε ki ji ηmabe ki gbien'. Ni'pum nnò te ten lituòrl là mòn li'nu ηme, Uwien teke' lè, u'yenm sange li'bo nε. ¹⁹ N'Wien ηmabe ukpieke, ki ηmabe lifaal ki gbien' ma nnò, *Yesu Kristo bo, u li de nε nà ke pòre' nε. ²⁰ Cère mèn tí kpieke ti'Baa Uwien uyo wà ηa ηmabe gbenm. Ami.

Ifuondfòrke

²¹ Ní fuonde binib bà ke yé Uwien yaab kí ñε *Yesu Kristo bo nnò jeje kí de nni. Kristo yaab bà te n'saan nnò mɔ fuondeh nε.

²² Uwien ya nib ke fuondeh nε. Ubercièn Sesa ya tonsònb bà yé Uwien ya nib nnò tùareh ki fuondeh nε. ²³ Yonbdaan *Yesu Kristo í juoke nε.

Uwien ya Jɔtiefɛnku ya gbɔnku
The New Testament in the Ngangam language of Togo
copyright © 2011 Wycliffe Bible Translators, Inc.

Language: Ngangam

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ngangam

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files
dated 29 Jan 2022
f30fbe0b-cda1-5a60-a4ee-8be80c6caef6